

四庫全書

子部

欽定四庫全書

喻林卷五十五

明 徐元太 撰

人事門 五十三

敗成

九四田無禽

易恒

上六不明晦初登于天後入于地象曰初登于天照四

國也後入于地失則也

易明夷

上六女承筐无實士刲羊无血无攸利

易歸妹

未濟亨小狐汔濟濡其尾无攸利

易未濟

初九曳其輪濡其尾无咎

易既濟

池之竭矣不云自頻泉之竭矣不云自中

叶諸仍反○詩大雅召旻

流離烏也少好長醜始而愉樂終以微弱

毛詩旄丘註

衛之諸臣初有小善終無成功似流離也

鄭氏箋詩旄丘

瑣兮而少尾兮而好者乃流離之子也此流離之子少

而美好長即醜惡以興衛之諸臣始而愉樂終以微弱

言無德自將不能常為樂也

毛詩正義旄丘

士刳羊亦無益也女承筐亦無貺也

左傳僖公十五年

夫其敗也如日月之食焉何損于明

左傳宣公十二年

狐埋之而狐搢之是以無成功

國語吳

亡國之臣不敢語政敗軍之將不敢語勇

吳越春秋勾踐入臣外傳

百年累之一朝毀之豈不惜乎

後漢書竇融列傳

敗材傷錦所宜至慮

後漢書劉玄列傳

初升高岡終隕幽壑朝含榮潤夕為枯魄

蜀志郤正傳

用使金暉絕于中天神轡輟于促路

晉書赫連勃勃記

椎蘆作蓬蔕不成文章

晉書符堅下記

所得未毛銖所喪如山崖

晉書祈嘉傳

構厦止於尺土為山頓於一簣

魏書源賀子恭傳

築十仞之城城者既十仞矣則又壞之此胥靡之所苦

也

莊子則陽

烹牛以饗其里而罵其東家母德不報而身見殆

淮南子說

山訓

臨苗之女織紉而思行者為之悖戾室有美容繒為之

纂繹

淮南子
說林訓

鵲飛中退舉事不進

焦氏易林
乾之兌

弊苟在梁魴逸不禁漁父勞苦連室乾口

焦氏易林
坤之履

多載重負捐棄于野

焦氏易林
屯之恒

樹栽藿豆為鹿兔食君不慎護秋無收入

焦氏易林
屯之歸妹

黍稷禾稼垂秀方造中旱不雨傷風枯槁

焦氏易林
需之艮

機杼騰擾女巧不成

焦氏易林
訟之渙

魃為苗虐風吹雲却

焦氏易林小
畜之中孚

鷹逐雉兔爪折不得

焦氏易林
履之大宥

老妾踞機緯絕不知女功不成冬寒無衣

焦氏易林
否之中孚

大車難駕兩引如繩馬奔山後輪脫不行

焦氏易林
同人之賁

羊子逐兔犬跡不得

焦氏易林
謙之既濟

螟蟲為賊害我稼穡盡禾殫麥秋無所得

焦氏易林
豫之謙

衣成無闕不知所穿

焦氏易林
豫之離

搏鳩彈雀獵兔山北九盡日暮失獲無得

焦氏易林
隨之泰

剗羊不當血少無羹女執空筐不得採桑

焦氏易林
隨之艮

舍車而徒亡其馭牛

焦氏易林
責之恒

蹇驢不才駿驥失時筋力勞盡罷於沙丘

焦氏易林
剝之師

黍稷禾稻垂畝方好中旱不雨傷風病槁

焦氏易林
剝之蠱

躋牛傷暑不能成畝草菜不墾年歲無有

焦氏易林
復之无妄

織縷未就針折不復女工多態亂我政事

焦氏易林
无妄之賁

釣鯉失綸魚不可得

焦氏易林
大畜之豐

毀盤破盆棄其飯食

焦氏易林
頤之訟

棟橈榱壞廊屋大敗宮闕空廊如冬枯樹

焦氏易林
頤之无妄

設網張羅捕魚園池網罟自決雖得復失

焦氏易林
坎之益

早霜晚雪傷害禾麥損功棄力饑無所食

焦氏易林
離之蠱

登高傷軸上阪棄粟

焦氏易林
咸之蠱

播輪折輻馬不得行

焦氏易林
恒之豐

畜牝無駒養雞不雛

焦氏易林
遯之小畜

織組无文燒香不芬

焦氏易林大
壯之小畜

桑蠶不得女功無成

焦氏易林
家人之兌

兔聚東郭衆犬俱獵圍缺不成無所能獲

焦氏易林
蹇之坤

上政搖擾蟲螟並起害我嘉穀季歲無稷

焦氏易林
解之既濟

往來井上破甕壞盆

焦氏易林
益之萃

置筐失筮輪破無輔

焦氏易林
萃之蒙

緣山升木中墮於谷

焦氏易林
困之大壯

羅張目列圍合月缺採捕無功魚鳥得脫

焦氏易林
鼎之同人

下田陸黍萬華生齒大雨霖集波病潰腐

焦氏易林
兌之履

夏麥麩霜擊其芒

焦氏易林
歸妹之鼎

牀傾竇折屋漏垣缺

焦氏易林
旅之同人

次八車不拔髀

井弭切

軸折測曰車不拔躬自賊也

太玄經第

一 磧

上九倉靈之雌不同宿而離失則歲之功垂測曰倉靈

之雌失作敗也

太玄經第一辰

上九務成自敗雨成自隊測曰務成自敗非厥命也

太玄

經第

二務

上九紅蠶緣于枯桑其繭不黃測曰緣于枯桑蠶功敗

也

太玄經第六將

患乎升勺之利未堅而鍾石之費相尋根移之據未極

而冰霜之毒交攻

抱朴子內篇極言

宋氏引苗郢人張革誠欲其快而實速萎裂知進忘退

斯之以乎

抱朴子外篇知止

東海人黃公少時能幻制蛇御虎韋佩赤金刀及衰老飲酒過度有白虎見於東海以赤刀往厭之術不行遂

為虎所食

李善註文選西京賦

將覆篲於浚谷擠為山乎九天

文選陸機弔魏武帝文

欽定四庫全書

卷五十五

中駕每傾輪當騫復

集作

摧翼

文苑英華吳均行邁一詩

譬如池有蓮華光色鮮榮芬芳可愛忽值天電一時零

落

元陽妙經卷一

譬盲人捉雀入手復去

靈寶通微經

譬如有人先未曾有末尼珠寶後時遇得深自欣慶珍

玩無厭歛爾亡遺常懷慨歎

波羅蜜多經卷三百三十五

譬如閻室燈油盡故明滅

大寶積經卷七十一

譬如摩尼寶珠墮不淨中不可復著

大寶積經卷一百一十二

譬如士夫入慈室藏以明月珠置于髻中醉酒卧寐不

自唯省寤忘明珠不知所在

法華經
卷五

譬如有人入於大海至寶渚中多取寶物置于船上欲

度大海於中沈沒

蓮華面經
卷上悲六

譬如有人從高樓下乘於大象下象乘馬下馬乘輿下

輿坐床下床墮地從地落坑

雜阿含經
卷四十二

譬如穠田禾稼粗熟而有惡露災氣則令善穀傷敗

中本

起經比

丘品

譬如世間所有臺觀若一中心不善覆蔽則椽梁壁皆

被淋漏以椽梁壁被淋漏故皆悉敗壞

本事經
卷五

又如苦瓠青未成熟人所斷取而彼枝葉尋即萎悴漸

次枯弱後乃乾合

身毛喜
豎經下

譬如象洗其身沐浴適淨復卧土

脩行道地
經慈品

如暴秋中暑無所能成熟

脩行道地
經慈品

譬如師治箭失墮火燒之安能使其箭成就而可用

脩行

道地經
慈品

譬如利刀人所愛敬恒自防備不離其身中便忘誤安
置不牢便生塵垢本鐵不存追惟此刀乃無有價一朝

壞敗不可任用

出曜經
八行品

猶如淨鐵及明淨鏡瑩治淨潔無有塵垢然其人藏隱
不牢或在土中或在溼地便生重垢觸便碎散不任本

用

出曜經
八行品

昔有一人有二百五十頭牛常驅逐水草隨時餒食時
有一虎噉食一牛爾時牛主即作念言已失一牛俱不

全足用是牛為即便驅至深坑高岍排著坑底盡皆殺之凡夫愚人亦復如是受持如來具足之戒若犯一戒不生慚愧清淨懺悔便作念言我以破一戒歸不具足何用持為一切都破無一在者

百喻經
卷上

昔有一小兒陸地遊戲得一大龜意欲殺之不知方便而問人言云何得殺有人語言汝但擲置水中即時可殺爾時小兒信其語故即擲水中龜得水已即便走去

百喻經

卷下

譬如清涼池而有毒蛇不中澡浴亦如好花果樹而多

逆刺

大智度論
卷十三

初若登天光被俗表末如入淵明夷輝淪

弘明集難
夷夏論

無及

處罰之極惡積不改者也罪非所懲故刑及其首至于

滅耳及首非誠滅耳非懲凶莫甚焉

王弼注
易噬嗑

棄女車輔則墮女之載乃請長者見助以言國危而求

賢者已晚矣

鄭氏箋
詩正月

若不早圖後君噬臍其及圖之乎

左傳莊公六年

禍敗日深如火之燎原其可救乎

晉書王接傳

然鞭短勢殊恐無所及

晉書姚泓記

覆水不收悔將何及

晉書慕容超紀

魚以泉涸而吮沫鳥因將死而悲鳴

梁書任昉傳

固機發而後思圖車覆而後改躅改之無及故狡兔失

穴思之在後故逆鱗易觸

魏書常景傳

恐極弱遲于援手救經緩於扶足待越人之舟楫求魯

匠之雲梯則必懸于槁樹之枝沒於深淵之底矣

隋書
王孝

籍儒
林傳

詩曰涓涓源水不雖不塞穀已破碎乃大其輻事以敗

矣乃重太息其云益乎

荀子子
道篇

寡人所謂饑而求黍稷渴而穿井者未嘗能以歡喜見

子今國事急百姓恐懼願藉子大夫使齊

說苑
善說

譬之猶渴而穿井臨難而後鑄兵雖疾從而不及也

說
苑

雜言

言君信任佞諛不慮艱難卒遭憂患然後乃覺若放火

於秋蒿不可救制也

王逸注楚辭七諫

明侯此時不以誕告諸侯靖寧國步以為功首至於肝

腦塗函谷麋鹿棲銅駝乘輿蒙沙而中原流於左衽然

後圖之是猶火既及薪而後覓井以救不亦鈍乎

天祿閣外

史導王

夫隨覆車之軌追陷溺之後以赴其前何及之有

武侯十六

策思慮

孝子之養親病也未死之時求卜迎醫冀禍消藥有益也既死之後雖審如巫咸良如扁鵲終不復生何則知

死氣絕終無補益

王充論衡
薄葬篇

恃藏疾之大言忘膏肓之近急何異焦喉之渴切身而遙指滄海於萬里之外滔天之水已及而方造舟於長

洲之林安得免夸父之禍脫淪水之害哉

抱朴子外
篇用刑

犀象珠玉無足而至自萬里之外定傾之器能行而淪乎四境之內二豎之疾既據而募良醫棟橈之禍已集

而思謀夫何異乎火起乃穿井覺饑而占田哉

抱朴子
外篇貴

賢

不與智者共其安而望有危而見救不與奇士同其歡

而欲有戚之見恤猶災火張天方請雨於名山洪水凌

空而伐舟於東閩不亦晚乎

抱朴子外
篇廣譬

宿不樹惠臨難而施恩本不防萌害成而修慎是以臨

渴而穿井方饑而植禾雖疾無所及也

劉子
言苑

此甘餐毒藥戲猛獸之爪牙也所從來者至深遠淹滯

永久而不廢雖令扁鵲治內巫咸治外尚何及哉

文選
枚乘

七發

害成於微而救之於著故有無功之治

文選
枚乘
夜養生論

臨死修善於計已晚事迫乃歸於救已微

意林
周
生烈子

離憂患而乃寤兮若縱火於秋蓬

楚辭
東方
朔初故

惠子家窮餓數日不舉火乃見梁王王曰夏麥方熟請

以割子可乎惠子曰施方米遇羣川之水長有一人溺

流而下呼施救之施應曰吾不善游方將為子告急於

東越之王簡其善游者以救子可乎溺人曰我得一瓢之力則活矣子方告急於東越之王簡其善游者以救

我是不如求我於重淵之下魚龍之腹矣

太平御覽
人事部錢

夫病之始生也極微極精必先入結於皮膚今良工皆稱曰病成名曰逆則鍼石不能治良藥不能及也

黃帝
素問

內經湯液
醪醴論

昔有貧人在路而行道中偶得一囊金錢心大喜踊即便數之數未能周金主忽至盡還奪錢其人當時悔不

疾去懊恨之情甚為極苦

百喻經
卷下

譬如鹿未被箭時不知怖畏既被箭已蹕圍而出

大智
度論

卷九

譬如屋被燒竟更求水救之

如實論
華二

莫振

枯槁之楊被拯纔得生華何可長久尋當衰落也

周易
正義

大過

天之用楚如人用五材力盡而敝救則棄之是以無救

助之者

春秋正義昭公十有一年

三枿之起本根既朽枯楊生華曷惟其舊

前漢書敘傳下

若膏肓之疾長桑不治體府之病陽慶弗理

宋書顧凱之傳

根未及植葉已先枯

南齊書東昏侯本紀

朽根倒樹花葉落去卒逢火焱隨風偃仆

焦氏易林屯之坎

躋牛失角下山傷軸

焦氏易林屯之損

晉平有疾迎醫秦國病乃大怒分為兩豎逃匿育上伏

于膏下和不能愈

焦氏易林需之巽

削根燒株不生肌膚病在心腹日以焦枯

焦氏易林
師之益

耆老衰去箴石不祐

焦氏易林
同人之履

花燈百枝消暗衰微精光訖盡奄有灰靡

焦氏易林
隨之大有

聾聵闇盲跛倚不行

焦氏易林
咸之夬

老河空虛舊井無魚

焦氏易林
遯之井

亂憂並作姦邪充塞雖有百堯顛不可救

焦氏易林
家人之履

上九僊虺虺天撲顛測曰僊虺之撲終不可治也

太玄
經第

二僊

時當亂也堯舜用術不能立功命當死矣扁鵲行方不

能愈病

王充論衡
定賢篇

譬猶入水之燼火滅而煙不即息既斷之木柯葉猶生
二者非不有煙非不有葉而其所以為煙為葉者已先

亡矣

抱朴子內
篇極言

人有復病難可醫治湏臾則死

海空智藏
經持誠品

譬如猛火燒焚枯木亦如芭蕉逢於霜電

海空智藏
經持誠品

譬如敗種種已先滅滅即無牙

大乘妙
林經

譬如朽敗不可令堅猶如巨石墜千丈坑難可逆上玉清

經明成真人威邪品

患源斯作疾用醫方倍功療治猶不能愈

玉清經明威真人威邪品

猶如瓦礫一破之後不可更合

玉清經通濟幽冥品

譬如春雨是物皆潤獨有枯木而不受洽縱不潤者益

其朽爛終不能生枝葉花果

玉清經通濟幽冥品

譬如有人年百二十老耄衰朽又如衆病所謂風病熱病痰病或三雜病是老病人頗從牀座能自起不設有

扶令起立亦無力行一俱盧舍二俱盧舍三俱盧舍所

以者何老病甚故

波羅蜜多經卷三百一十二

如斷多羅樹畢竟不復生何有智慧人於中求果實

大寶

積經卷

二十九

譬如酥油為火所燒無有遺餘

大寶積經卷七十三

如樹枯朽火從內起根本既燒枝葉亦盡

大乘大方等日藏經卷一

譬如鳥翮入火則卷不可舒展

雜阿含經卷十八

譬如火滅以灰覆之若持枯草及乾牛屎積著其上手

觸足踏無所能燒而不成熟所以者何無所堪任修行道地

經分別
行相品

沉溺於世根猶朽車沒泥不能自拔濟

修行道地
經集散品

如雪聚得火疾而為解釋

內身觀章
句經令十

譬如雪山日光所照悉皆融消無有遺餘

阿育王
經偈七

如敗軍將怖懼失瞻視彼敵人皆謂勇士

三昧法門
經卷下

譬如有人自斷其頭時有一人持以良藥所謂摩訶迦

良藥 虞尼那嚩 良藥 竭哩多嚩 良藥 帶梨那嚩 良藥 如

是等良藥塗所斷頭其何能活

正法經
卷一

譬如疽瘡無不痛時若以藥塗可得少差而不可得愈

大智度

論卷六

譬如必死之病雖有良醫神藥不能救濟

大智度論
卷五十八

猶如病者大醫不治其餘少醫無能治者

大莊嚴經
論卷十

世間縛著沒於衆苦譬如老象溺泥不能自出

遺教經
論離十

二

與將隕之疾饋藥不服流矢通中忍痛不拔要求矢藥

造構之始以致命絕夫何異哉

弘明集
明佛論

譬如有人墮在糞坑全身沒入無髮可拔

法苑珠林
卷九十

禍及

九三需于泥致寇至象曰需于泥災在外也

易需

初二剝牀民所以安未剝其身也至四剝道濡長牀既

剝盡以及人身

王弼注
易剝

辨謂牀身之下牀足之上足與牀身分辨之處也今剝

落侵上乃至於辨是漸近人身故云剝牀以辨也

周易
正義

剝

諸侯以國相連屬憂患相及如葛之蔓延相連及也

毛詩

注 托丘

魚在於沼池之中為人所驚駭不得逸遊亦非能有樂退而潛處雖伏於深淵之下亦甚於焯焯然易見不足以避網罟之害莫知所逃也以興賢者在於朝廷之上為時所陷害不得行道意非能有樂退而隱居雖遁於山林之中又其姓名聞徹不足以避苛虐之政莫知所

逃

毛詩正義正月

言山有此美善之草矣其生也維在梅在栗之下人往取其梅栗之實則蹂踐害此美草使不得蕃茂以興國中
有此貧弱之民矣其居也維在富人之傍上多賦斂富人財盡則又并賦此貧弱使之不得生育俱受困窮

毛詩正義四月

樹木將欲顛仆傾拔之時其根揭然而見此時枝葉未有折傷之害而根本實先斷絕但根本既絕枝葉亦從

而絕以喻王位將欲傾覆喪亡之時而其勢微弱而危
此時羣臣未有死亡之害而王身實先誅滅王身既滅

羣臣亦隨之而滅

毛詩正義蕩

歲星客在玄枵惟衝鶉火而鶉尾亦有咎者蓋以歲星
漸西衝則漸東尾之於烏猶是一身故衝其身而及其

尾

春秋正義襄公二十八年

安有巢毀而卵不破乎

後漢書孔融列傳

和鸞未調而身在轅側庭宇未踐而棟折椽覆

蜀志郗正傳

天收其精地縮其澤人弔其躬鬼芟其頌

蜀志郤正傳

恐霜威一震玉石俱摧

晉書索靖傳

譬縣厨之獸如離繳之鳥將充庖鼎以餌鷹鷂

梁書王僧孺傳

宋桓司馬有寶珠抵罪出亡王使人問珠之所在曰投之池中於是竭池而求之無得魚死焉此言禍福之相

及也

呂氏春秋必已

適啓其口七首已陷於胸矣

賈子親疏危亂

雖以獲功見封猶食毒肉愉飽而羅其咎也

鹽鐵論非鞅

脣亡而齒寒河水崩其懷在山

說苑
談叢

盜憎主人愛其上有愛好人者必有憎妬人者夫子

好直言枉者惡之禍必及身矣

列女傳周列
國晉伯宗妻

大蛇當路使我畏懼湯火之災切近我膚

焦氏易林
屯之井

雙鳧俱飛欲歸穉池經涉荏澤為矢所射傷我胸臆

焦氏

易林屯
之旅

暗旦乘車履危蹈溝亡失裙襦摧折兩軸

焦氏易林
需之革

狼虎所嗥患害必遭

焦氏易林
噬嗑之履

鵠求魚食道遇射弋繒加我頸繳縛兩翼欲飛不能為

羿所得

焦氏易林
剝之革

蚍蜉戴盆不能上山脚推跛蹶損傷其頭

焦氏易林
復之革

履蛇躡虺與鬼相視驚恐失氣如騎虎尾

焦氏易林
坎之觀

中夜狗吠盜在廬外

焦氏易林
避之升

狼虎所宅不可以居為我患憂

焦氏易林
明夷之謙

登山伐輻虎在我側

焦氏易林
蹇之中孚

裹糗荷糧與跣相逢欲飛不得為罔所獲

焦氏易林
旅之恒

匠卿操斧豫章危殆

焦氏易林
小過之師

次七秉火寒泉至測曰秉火泉至禍不遠也

太玄經
第三盛

且王不見夫鷗之追雀乎翔薄干霄際而下視其雀雀
仰覩其鷗之追也而伏于巖垣之側鷗乃垂翼而下之
有蛛網張於巖垣涉之而救是鷗欲捕其雀也非為其
蛛網也而固涉焉是鷗也實有捕蛛之名鷗又何辭乎
由此觀之外國鷗也王室雀也晉國蛛網也寇王室而
及晉不猶捕雀而及蛛乎

天祿閣外
史防胡

俯無鱗以遊遁仰無翼以翻飛

曹子建臨觀賦

夫藏多者亡厚好謙者忌盈含夜光者速剖循覆車者

必傾過載者沈其舟愆勝者殺其生

抱朴子外篇安貧

陵九折於邛蹇泛衝波於呂梁傾側成於俄頃性命哀

而莫救

廣文選傅季友演慎論

豈見覆巢之下復有完卵乎

世說新語

今猶俎上腐肉任人膾截耳

世說新語方正

但恐革車之所轡轢劍騎之所蹂踐椅梓於焉傾折竹

箭以此摧殘

藝文類聚雜文部檄文

嚴霜之零無所不肅長林之斃無所不標是以楚壑既

填遊魚無託吳宮已火歸燕何巢

文苑英華庾信連珠

本畏車輪折翻嗟馬骨傷

文苑英華江總行遊一詩

周書曰魚龍成則藪澤竭藪澤竭則蓮藕掘

爾雅翼夫藻

福禧出門妖孽入戶天網以發不可解之也

道德經指歸卷八

如置火在乾蘆草舍樓堂臺觀亦被焚燒

連磨法蘊足論多界品十

譬如入賊中行不自慎護為賊所得

大智度論卷十

滋甚

言天既終日風且其間又有暴疾以興州吁既不善而

其間又有甚惡

毛詩正義終風

天既終日風且又有暴甚雨土之時以興州吁常為不

善又有甚惡恚怒之時

毛詩正義終風

天既終日風且復陰而暄不見日光矣而又暄以興州

吁既常不善且復怒而甚不見喜悅矣而又甚

毛詩正義終風

言四月已漸暑至六月乃暑極以興王初即位雖為惡

政矣未甚酷至于今乃極酷也

毛詩正義四月

豕性本自能水又加以滂沱之雨是豕彌得性益難禁

制以喻荆舒本自好叛加以王之不善是彼彌得志益

難咸服

毛詩正義漸漸

以貴戚廢錮當復以貴戚浣濯之猶解醒當以酒也

後漢

書第五倫列傳

蜂目彌彰集聲無改

陳書留異傳

火既熾矣更負薪以促之數既窮矣又為惡以促之欲

求大厦不燔延期過歷不亦難乎

北齊書幼主帝紀

狼子之心出而彌野

隋書高祖下帝紀

以火救火以水救水名之曰益多

莊子人間世

里人有病里人問之病者能言其病然其病病者猶未

病也若越之聞大道譬猶飲藥以加病也

莊子庚桑楚

惜乎惠施之才駘蕩而不得逐萬物而不反是窮響以

聲形與影競走也

莊子天下

其國亂弱矣又皆釋國法而私其外則是負薪而救火

也亂弱甚矣

韓非子
有度

止言以言止事以事譬猶揚堞而彌塵抱薪而救火流

言雪汗譬猶以湮拭素也

淮南子
說山訓

以詐應詐以譎應譎若披簑而救火毀瀆而止水乃愈

益多

淮南子
說林訓

病熱而強之餐救暵而飲之寒救經而引其索拯溺而

授之石欲救之反為惡

淮南子
說林訓

求白潔而益其垢猶抱石以救溺愈不濟矣

孔叢子
陳士義

城愈高而衝愈巧池逾深而梯逾妙法令明而盜賊多
盟約數而叛亂甚猶風波駭而魚鼈擾於淵纖羅密而
羽禽躁於澤豺狼衆而走獸劇於林爨火猛而小鮮糜

於鼎也

抱朴子內
篇明本

真君建德之事適足推波助瀾縱風止燎爾

文中子
問易

炙鼓使鳴絞絃令悲實能鼓速穿絃早絕

意林抱
朴子

可謂吞冰療寒揚湯止沸

藝文類聚
人部說

將軍平日與攀無却而欲殺之者但恐其為蜂蠆耳今

攀以去而尚拘閉其家以情推之其念為毒螫必滋甚

矣

藝文類聚
寶玉部金

風雨之傷人也先客於皮膚傳入於孫脉孫脉滿則傳入於絡脉絡脉滿則輪於大經脉血氣與邪并客於分腠之間其脉堅大故曰實實者外堅充滿不可按之按

之則痛

黃帝素問內
經調經論

風者百病之長也今風寒客於人使人毫毛畢直皮膚閉而為熱當是之時可汗而發也或痺不仁腫痛當是

之時可湯熨及火灸刺而去之弗治病入舍於肺名曰
肺痺弗治肺即傳而行之肝病名曰肝痺當是之時可
按若刺耳弗治肝傳之脾病名曰脾風當此之時可按
可藥可浴弗治脾傳之腎病名曰疝瘕當此之時可按
可藥弗治腎傳之心病筋脉相引而急病名曰癰當此
之時可灸可藥弗治滿十日法當死

黃帝素問內經
玉機真藏論

如負乾草而欲救火又如愚人抱疾避病亦如童稚奔

走避影

玉清經通
濟幽冥品

譬如惡狗以苦膽灌鼻彼狗倍生凶惡心不

大寶積經卷二

如世間以火滅火以毒治毒

佛本行集經卷五十七

譬如大火投之乾薪其燄轉更倍常增多

本緣經龍品

倍更增益瞋恚猶如膏油投之猛火

本緣經月光王品

猶如猛火投之膏油膏油既至倍復熾然亦如毒藥投生血中其力則盛譬如渴人飲於鹹水如秋增熱春多

涎唾

本緣經月光王品

如酥注火倍增熾劇

無明羅刹經

姪人行慈益癡悶如人冷病服冷藥

三昧法門
經卷下

瞋人觀惡增恚心如人熱病服熱藥

三昧法門
經卷下

譬如重病之人雖有衆藥療之無損藥復作病

大智度
論卷九

十四

有一人於行路側作小苦行若有人時卧棘刺上若無人時別居餘處有人見已而語之言汝今亦可徐卧刺上何必縱體傷毀甚多此人聞已深生瞋忿放身縱體投棘刺上轉劇於前時有一優婆塞在其傍立是苦行

者見已自擺轉復增劇優婆塞即語之言汝於前者但以小刺今復乃用瞋恚之棘而以自刺先所刺者傷毀甚淺貪瞋之刺乃為深刺卧棘刺者苦止一世貪瞋刺苦及無量身以刺刺身此瘡易滅貪瞋刺瘡歷劫不差是故宜速除深毒刺

大莊嚴經
論卷二


如似疥搔瘡搔之痒轉增

大莊嚴經
論卷七偈

夫日月麗天而瞽者莫覩其明雷電震地而聾者不聞其響是誰之過與而方欲議宮商之音箴文章之觀真

過之甚者

弘明集
釋駁論



喻林卷五十五

欽定四庫全書

子部

翰林卷五十六

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣朱忻

謄錄舉人臣曹勳祖

欽定四庫全書

喻林卷五十六

明 徐元太 撰

人事門

五十四

必敗

不利涉大川入于淵也

易訟

上六濡其首厲象曰濡其首厲何可久也

易既濟

以小人一身過而弗遇必遭羅網其猶飛鳥飛而无託

必離矰繳

周易正義小過

王行既可哀傷又將至於傾危猶商人涉路既有疲勞
又將困於陰雨商人之遇陰雨則有泥陷之難王行之

至傾危必有滅亡之憂

毛詩正義正月

周將亡如心星之光耀見於魚笱之中其去湏臾也

鄭氏

箋詩苦之革

王自絕於天如泉水之流稍就虛竭

鄭氏箋詩抑

厚而無基必自崩喻衆所不附將自敗也

春秋正義隱公元年

幽王敗亂周之法度猶毀壞高山以為魁陵糞土殘絕

川藪以為溝瀆無有峻止之時

國語解周
下單穆公

夫以一縷之任係千鈞之重上縣無極之高下垂不測之淵雖甚愚之人猶知哀其將絕也馬方駭鼓而驚之係方絕又重鎮之係絕於天不可復結隊入深淵難以

復出

前漢書
枚乘傳

雖有孫吳將賁育士若入水火往必焦沒知勇亡所施

前漢書西

南夷傳

炎炎燎火亦允不陽

前漢書敘
傳述成紀

牆隙而高其崩必疾也

後漢書
折像傳

袁紹孤客窮軍仰我鼻息譬如嬰兒在股掌之上絕其

哺乳立可餓殺

後漢書袁
紹列傳

若魚遊釜中喘息湏臾間耳

後漢書張
皓列傳

猶冰霜見日必至消滅

後漢書劉
陶謝傳

猶舉函牛之鼎絰織枯之末詩人所以眷然顧之潛焉

出涕者也

後漢書劉
陶謝傳

以張將軍之衆當百萬之師猶以小雪投沸湯雖欲戮

力其勢不全也

後漢書張宗列傳

鑊中之魚火熾湯盡當悉焦爛

後漢書應奉傳註

則羣逆冰摧不俟朱陽之耀若秋霜隕稜豈待勁風之

威

晉書姚興上傳

想來逆者當前行一尺却行一丈

晉書長沙王文傳

螳蛄微命擬雷霆之衝已枯之葉當霜飆之隊

宋書孔凱傳

猶勁飆之拂細草烈火之掃寒原焦卷之形昭然已著

宋書鄧

琬傳

雖窮鳥必啄固等命於梁鶉困獸斯驚終竝懸於厨鹿

南齊書
王融傳

此其必亡也猶自萬仞之山播而入深淵其死而不振

也必矣

管子
宙合

譬之猶廓革者也廓之大則大矣裂之道也

淮南子
道應訓

譬若載無轄之車以臨千仞之谷其不顛覆亦難冀也

孔叢子

嘉言

高牆豐上激下未必崩也降雨興流潦至則崩必先矣

草木根莖淺未必撼也飄風興暴雨墜則撼必先矣君子居是邦也不崇仁義尊賢臣以理萬物未必亡也一旦有非常之變諸侯交爭人趨車馳迫然禍至乃始憂愁乾喉焦唇仰天而嘆庶幾乎望其安也不亦晚乎

韓詩

外傳

搆兵爭強而卒俱亡雖以進壤廣地如食前之充賜也

欲其安存何可得也

鹽鐵論
誅秦

是猶措重寶於道路而莫之守也求其不亡何可得乎

鹽鐵論
世務

包丘子不免於甕牖蒿廬如潦歲之鼃口非不衆也然

卒死於溝壑而已

鹽鐵論
毀學

眇雞無距與鵠交關翅折目盲為鳩所傷

焦氏易林
乾之遊

弓矢俱張把彈折絃丸發不至道遇害患

焦氏易林
乾之明夷

小狐渡水汗濡其尾

焦氏易林
蒙之師

樹植藿豆不得芸鋤

焦氏易林
訟之履

鱖蝦去海藏於枯里

焦氏易林
謙之明夷

精華墜落形體醜惡齟齬挫頰枯槁腐蠹

焦氏易林
豫之履

冰入炭室消亡不息

焦氏易林
隨之困

病篤難醫和不能治

焦氏易林
臨之益

病疾不醫下即蒿廬

焦氏易林
觀之坤

斧斤所斫瘡痍不息鍼口不施下即空室

焦氏易林
噬嗑之益

昧暮乘車履危蹈溝亡失羣物摧折兩軸

焦氏易林
睽之履

執熟爛手大為災咎

焦氏易林
姤之中孚

坎中蝦蟆乍盈乍虛三夕二朝形消无餘

焦氏易林
困之睽

兔跛鹿蹄緣山墜墮

焦氏易林
歸妹之睽

言太山將頽為池以喻君且失其位用心迷惑過惡已

成若江河之決不可涸塞也

王逸註楚
辭七諫

言使蒯賁無義之人登於清廟而執綱紀放棄聖人咎

繇於外野政必亂身危殆也

王逸註楚
辭九歎

言馬驚犇雖有執轡之御猶不能制必摧車輓而折

其轅以言賢臣奔亡使國荒亂而傾危也

王逸註楚
辭九歎

無異策穿蹄之乘而登太行之險亦必顛躓矣

徐幹中
論審大

臣

不得其術者古人方之於冰盃之盛湯羽苞之蓄火也

抱朴子內

篇極言

然身中之所以為氣為血者株源已喪但餘其枝流也

抱朴子內

篇極言

夫災蟲害穀至降霜則殄矣佞雄亂羣值嚴時則敗矣

抱朴子外

篇疾謬

重載不止所以沈我舟也昧進忘退所以危我身也聚

蝮攻本雖權安然必傾之徵也

抱朴子外
篇廣譬

鄉黨之友不洽而勤遠方之求涖官之稱不著而索不

次之顯是以雖佻虛譽猶狂華干霜以寒曜不崇朝而

零碎矣雖竊大寶於不料冒惟塵以負乘猶鮮介附騰

波以高凌顧眄已枯株於危陸矣

抱朴子外
篇循本

披褐而喪珠失皮而露質兀若枯木泊若窮流

顏氏家
訓勉學

潛朽之木不能當傾山之風舍隙之崖難以值滔天之

濤

抱朴子外
篇廣譬

魏明帝善哉行曰權實豎子備則亡虜假氣遊魂烏魚

為伍

李善註文選孫子
荆為石仲容書

薄戍綿幕無異蛛蝥之網弱卒瑣甲無異螳螂之衛

文選

魏都賦

故函谷擊柝於東西朝顛覆而莫持

文選東
京賦

不知天網設張以在綱目爨鑊之魚期於消爛也

文選
陳琳

檄吳將
校文

外失輔車唇齒之援內有毛羽零落之漸

文選孫楚為
石仲容作書

嗟弊廬之難保若實擇之從風

廣文選沈休文郊居賦

薄冰當白日聚毛遇猛火雖欲遠害其勢不可

意林魏子

舟從流於河而無維楫求安不可得也

意林公孫文子

桀紂雖有天子之位而無一人之譽猶朽株枯樹逢風

則仆

意林正部

猶搦轡而繁策馳覆車之危路羣乘舟而無楫將何川

而能渡

藝文類聚雜文部賦賦

危殆之國治不益之民是猶薄冰當白日聚毛過猛火

也藝文類聚
水部冰

此禍水也滅火必矣

事文類聚宮嬪

漂櫓溺駮孱然已至亂麻積莽可為寒心

文苑英華盧思道檄一

食餉吻以療饑飲鴆毒以救渴

文苑英華杜弼檄一

夫齋不訾之寶獨宿曠野其危甚於累卵比之秦猶有

泰山之安也

太平御覽珍寶部寶

奔車失轄泛舟無楫欲以不覆未之有也

太平御覽舟部舟中

岐伯曰五官不辨闕庭不張小其明堂蕃蔽不見又埤

其牆牆下無基垂角去外如是者雖平常殆况加疾哉

黃帝素問靈樞
經五閔五使

居君者為虜居虎者為鼠名在青雲之上身處黃泉之

下道德經指
歸卷八

如其不爾無為抱石而濟長津矣

漢武帝
內傳

若以野葛一寸巴豆一兩入喉輒殭不得俛仰當此之

時周文操著孔父占象扁鵲操鍼巫咸叩鼓安能令蘇

復起馳走

參同
契

譬如稻莠節蟲即死

海空智藏
經持誠品

猶如河岸臨險之樹若遇驚颿必當顛墮

元陽妙
經卷一

違道失德如兒生無母如魚脫淵

靈寶自
然妙經

譬如枯朽之木遇風即折將崩之岸值水先頽

養性延
命錄教

誠篇

不異舉滄波以注爝火頽華嶺而斷涓流語其易也甚

於茲矣

養性延命
錄教誠篇

如仰唾天不離其身如仰射天箭還自中

五清經道
化四夷品

如履湯炭稀不燒灼

玉清經通濟幽冥品

如有商人無巧便智船在海岸未具裝治即持財物安

置其上推著水中速便進發是船中道壞没人船財物

各散異處

波羅蜜多經卷三百一十二

譬如泛海所乘船破其中諸人若不取木器物浮囊板

片為依附者定知溺死不至彼岸

波羅蜜多經卷四百四十四

譬如斷華著日中即為萎枯

道行波羅蜜經卷三

譬如以鹽投水消滅無餘

大寶積經七十三

如以蘇滴置炎鐵上歟自消滅

大寶積經卷一百二十

如取水魚置夏日中熱惱所逼宛轉于地

大寶積經卷一百二十

猶如度海乘朽爛船於大海中或沉或浮

大寶積經卷一百二十

譬如有人吞金剛丸當知是人不久必死何以故彼金

剛丸不可消故

大集菩薩三昧經卷十

猶衆盲兒各相扶持彼在前者不見於後亦不見中彼
在中者不見於前亦不見後彼在後者不見於中亦不

見前

中阿舍經卷三十八

如人執小木而入於巨海人木則俱沒

雜阿舍經
卷十六

若樓若堂屋不覆若使雨來竿亦漬椽亦漬壁亦漬已

漬壁亦腐椽亦腐竿亦腐

三觀經
緣十

如海無主船隨風而東西

本緣經毗
羅摩品

譬如坏器值天降雨悉皆爛壞無有遺餘三界衆生亦

復如是遇無常雨無得免者

本緣經持
王子品

譬如兩人俱不曉泗墮於深水欲相勉濟反更溺死譬

如盲牽盲欲有所至中道迷惑竟不能達

脩行道地
經慈品

譬如山水流行暴疾起曲橫波有人欲渡入水而泗欲至彼岸迴波制還令在中流既疲且極遂沉波水沒在

其底

脩行道地
經數息品

佛言愛欲之於人猶執炬火逆風而行愚者不釋炬必

有燒手之患

佛說四十四
章經尺一

佛言人繫於妻子寶宅之患甚於牢獄桎梏擲擋牢獄有原赦妻子情欲雖有虎口之禍已猶甘心投焉其罪

無赦

佛說四十二
章經尺一

如囚在獄四顧牢密唯有廁孔更無異路如人中毒唯

糞能治更無餘藥

禪要呵
欲經

如毒摩瘡船入洄瀆惡行流憊靡不傷剋

法句經
惡行品

如江河無水游魚無所依樹木皆摧折飛禽無所止正法

經卷
一

法船欲破法城欲頽法海欲竭法幢欲倒法燈欲滅說

法人欲去

大智度
論卷二

譬如老病失力死事易得

大智度論
卷十四

如吞鈎之魚雖復遊戲池中當知出在外不久

大智度論
卷六十六

譬如風雨在牛皮中則爛壞

大智度論
卷七十

是以投火有必糜之軀漂海無或生之命

法苑珠林
卷六十五

狗外

咸道轉進離拇升腓腓體動躁者也感物以躁凶之道

也

王弼註
易咸

今不知道者見柔懦者侵則矜為剛毅見剛毅者亡則矜為柔懦此本無主於中而見聞舛馳於外者也故終

身而無所定趨譬猶不知音者之歌也濁之則鬱而無
轉清之則焦而不謳及至韓娥秦青薛談之謳侯同曼
聲之歌憤於志積於內盈而發音則莫不比於律而和
於人心何則中有本主以定清濁不受於外而自為儀
表也今夫盲者行於道人謂之左則左謂之右則右遇
君子則易道遇小人則陷溝壑何則目無以接物也

淮南

子汜
論訓

以瓦銚者全以金銚者跋以玉銚者發是故所重者在

外則內為之掘

淮南子
說林訓

觀射者遺其藝觀書者忘其愛意有所在則忘其所守

淮南子

說林訓

次六從其目失其腹測曰從目失腹欲不從也

太玄經
第二從

汝不聞莒人有狗人而忘身者乎以千金遊於天下必
求其悅已者有不悅者則分金而惠之悅已者不盈千
人而金竭遂憾而死今吾潔其躬而失蜀人之望非固
也竊慮莒人之金不足以勝悅已之衆耳

天祿閣外
史辭爵

夫勞形役智以應世務失其自然者也故堯有亢龍之
喻舜有卷僂之談周公類之走狼仲尼比之逸狗豈不

或信哉

莊子音
義外物

夫人在陽時則舒在陰時則慘此牽乎天者也處沃土
則逸處瘠土則勞此繫乎地者也慘則甚於歡勞則褊

於惠能違之者寡矣

文選西
京賦

譬如愁人心意昏亂煩毒熱悶於此人前設諸幻術木
男木女木牛木馬羅列施張作諸戲術愁者見之生牛

馬想息諸煩惱心意泰然

大乘妙林經

譬如青蓮鬢漂鼓隨波動

大莊嚴經論卷四偈

飾貌

輔頰舌者言語之具咸道轉未在於口舌言語而已故

云咸其輔頰舌也

周易正義咸

靜言庸違象恭洵天

書堯典

貌象恭敬而心傲狠其侮上陵下若水漫天

尚書正義堯典

蠶則須匡以貯繭而今無匡蟹背有匡匡自著蟹則非

為蠶設蜂冠無綏而蟬口有綏綏自著蟬非為蜂設亦如成人兄死初不作衰後畏於子臯方為制服服是子臯為之非為兄施亦如蟹巨蟬綏各不關於蠶蜂也

禮記

正義禮

弓下

色厲而內荏譬諸小人其猶穿窬之盜也與

論語陽貨

男子樹蘭美而不芳繼子得食肥而不澤情不相與往

來也

淮南子繆稱訓

不得已而歌者不事為悲不得已而舞者不矜為麗歌

舞而不事為悲麗者皆無有根心者

淮南子
詮言訓

畫西施之面美而不可說規孟賁之目大而不可畏君

形者亡焉

淮南子
說山訓

情貌不相副若穿踰之盜自古而患之

鹽鐵論
國病

次五鼎大可觴不齊不莊測曰鼎大可觴饗無意也

太玄

經第

四竈

口稱靜退心希榮利未得玄圃之棲禽九淵之潛鱗也

抱朴子外

篇正郭

飾冠以玉光好外見中非所有也

前漢書註
陳平傳

子非荆山璞謬登和氏塲羊質服虎文燕翼假鳳翔

文選

棗據

詩

以犬羊之質服虎豹之文無衆星之明假日月之光

文選

魏文帝與

吳質書

隼翼鷲披虎威狐假

廣文選庾子
山哀江南賦

程曉女典曰麗色妖容高才美辭此乃蘭形棘心玉曜

瓦質

困學紀聞卷
十七評文

譬若錦韜矛羅穀裏鋒鋌愚者覩其表翫之以自矜
填優

王經
衣六

如生盲人著金華鬘是不自知

三戒經
卷中

結跏趺端坐不動如大山其心內迷散情猶象墮澗
行脩

道地經
慈品

如是脩行者身定而心亂譬若樹狂華不成果而落
行脩

道地經
慈品

口言柔軟而心懷毒如種苦樹其華色鮮成果甚苦
行脩

道地經
慈品

譬如畫餅視表甚好裏空且冥

脩行道地
經慈品

如人得畫餅發之知不淨

脩行道地
經數息品

汝是不淨聚集諸穢惡物雖服珍妙衣如莊嚴廁舍

禪要

阿欲
經

亂真

孔子曰惡似而非者惡莠恐其亂苗也惡佞恐其亂義也惡利口恐其亂信也惡鄭聲恐其亂樂也惡紫恐其

亂朱也惡鄉原恐其亂德也

孟子盡心下

西門豹為鄴令而辭乎魏文侯魏文侯曰子往矣必就子之功而成子之名西門豹曰敢問就功名亦有術乎文侯曰有之矣鄉邑老者而先受坐之士子入而問其賢良之士而師事之求其好掩人之美而揚人之醜者而叅驗之夫物多相類而非也幽莠之幼也似禾蠶牛之黃也似虎白骨疑象武夫疑玉此皆似之而非者也

戰國策魏文侯

犂牛之駁似虎莠之幼似禾事有似是而非者

魏志文帝紀註

舍實逐聲之行是猶美西施而學其顰眉慕有道而折其中角所以為慕者非其所以為美徒貴貌似而已矣夫紫之亂朱以其似朱也故鄉原似中和所以亂德放達似達所以亂道然竹林之為放有疾而為顰者也元康之為放無德而折中者也可無察乎

晉書戴逵傳

使人大迷惑者必物之相似也玉人之所患患石之似玉者相劔者之所患患劔之似吳干者賢主之所患患

人之博聞辯言而似通者亡國之主似智亡國之臣似忠相似之物此愚者之所大惑而聖人之所加慮也故

墨子見岐道而哭之

呂氏春秋疑似

梁北有黎丘部有竒鬼焉喜效人之子姪昆弟之狀邑大人有之市而醉歸者黎丘之鬼效其子之狀扶而道苦之丈人歸酒醒而誚其子曰吾為汝父也豈謂不慈哉我醉汝道苦我何故其子泣而觸地曰孽矣無此事也昔也往責於東邑人可問也其父信之曰譖是必夫

竒鬼也我固嘗聞之矣明日端復飲於市欲遇而刺殺之明旦之市而醉其真子恐其父之不能反也遂逝迎之丈人望其真子拔劍而刺之丈人智惑於似其子者而殺其真子夫惑於似士者而失於真士此黎丘丈人之智也

呂氏春秋疑似

芻狗能立而不能行蛇牀似麋蕪而不能芳

淮南子說林訓

譬若土龍文章首目具而非龍也葶歷似菜而殊味玉

石相似而異類

鹽鐵論刺議

次五疇

徒冬切

黃疑金中測曰疇黃疑中邪奪正也

太玄經第

五疑

魚目豈為珠蓬蒿不成櫝

參同契箋註下篇

夫治世不得真賢譬猶治疾不得良醫也治疾當真人參反得支羅服當得麥門冬反烝橫麥已而不識真合而服之病以侵劇不自知為人所欺也乃反謂方不誠而藥皆無益於病因棄後藥而弗敢飲而便求巫覡者

雖死可也

潛夫論思賢

所患於其如砒砒之亂瑾瑜鶴螟之似鳳凰凝冰之類

水精煙熏之疑雲氣故令不謬者匙也

抱朴子外篇行品

佞與賢相類詐與信相似辯與智相亂愚直相像若齋

芄之亂人參蛇牀之似藤蕪也

劉子心隱

蒼蠅間乎白黑紅紫似朱而非

揚子法言註吾子篇

黃精葉乃與鈎吻相似惟莖不紫花不黃為異而人多

惑之其類乃殊遂致死生之反

本草黃精

珉似玉而非玉雞類鳳而非鳳物誠有之人故宜爾

廣文

遊范子真
神滅論

君子不以昏行易操不以夜昧易容夫自有高世之名
必有負俗之累有絕羣之節必嬰謗嗤之患白骨擬象

魚目似珠遙聽遠望無不亂也

意林
唐子

如似被金塗磨時色不顯金若不真者以石磨則知

大莊

嚴經論
卷七偈

忌菑紫之妨薰朱器雉珉之亂鳳玉

弘明
集十

嗟夫北里之亂雅惡綠之奪黃也

弘明集
正誣論

失真

蚩兄死者言其衰之不為兄死如蟹有匡蟬有綏不為

蟹之績范之冠也

鄭氏註禮檀弓下

燕人生於燕長於楚及老而還本國過晉國同行者誑之指城曰此燕國之城其人愀然變容指社曰此若里之社乃喟然而嘆指舍曰此若先人之廬乃涓然而泣指壠曰此若先人之冢其人哭不自禁同行者啞然大笑曰予昔給若此晉國耳其人大慚及至燕真見燕國

之城社真見先人之廬冢悲心更微

列子周
穆王

郢人有遺燕相國書者夜書火不明因謂持燭者曰舉
燭云而過書舉燭舉燭非書意也燕相受書而說之曰
舉燭者尚明也尚明也者舉賢而任之燕相白王大說
國以治治則治矣非書意也今世舉學者多似此類

非

子外儲
說左上

亡國戮民非無樂也不樂其樂溺者非不笑也罪人非
不歌也狂者非不武也亂世之樂有似於此君臣失位

父子失處夫婦失宜民人呻吟其以為樂也若之何哉

呂氏春
秋大樂

次三畫象成形乎無成剗曰畫象成形非其真也

太玄
經第

四禮

風之與虎亦同氣類設為土虎置之谷中風能至乎夫

土虎不能而致風土龍安能而致雨

王充論衡
亂龍篇

情苟類焉則雖形不與同而物無害心情類苟亡則雖

形同母子而不足以固其志矣

郭子註莊
德充符

慕賞而孝去真遠矣斯尚賢之過也其波蕩傷性遂至

於踣河

郭子註
莊外物

不雜為淳以水澆之則味漓薄樸大質也割之則散也

前漢書註

黃霸傳

魏略云大秦國出赤白黑黃青綠縹紺紅紫十種流離
此蓋自然之物采澤光潤喻於衆玉其色不恒今俗所
用皆銷治石汁加以衆藥灌而為之尤虛脆不真實非

真物

前漢書註
西域傳

圖形於影未盡纖麗之容察火於灰不覩洪赫之烈是
以問道存乎其人觀物必造其質

文選陸機
演連珠

一犬吠形百犬吠聲

意林潛
夫論

譬如畫師畫形而非真形

无上內秘藏
經顯功德品

譬若木人機關作之既畢解剝其體節節相離手足狼

藉

優填王
經衣六

如有男子欲見大海遊到陂沱及泉江河於彼求寶而

獲水精小明月珠自以還得金剛尊光

脩行道地
經緣覺品

譬如有人欲見天帝而覩邊王則謂是帝欲學正覺意

有齊限不解深慧還墮緣覺亦是也

脩行道地
經緣覺品

如機關木人動雖能動作內無有主

大智度論
卷三十

如油中見像黑則非本色如五尺刀中橫觀則面像廣

縱觀則面像長則非本面

大智度論
卷三十六

有一山羌偷王庫物而遠逃走爾時國王遣人四出推尋

捕得山羌答言我衣乃是祖父之物王遣著衣實非山羌本

所有故不知著之應在手者著於脚上應在胷者反著頭上

借以為譬王者如佛寶藏如法愚癡羌者猶如外道竊聽佛法著已法中以為自有然不解故布置佛法迷亂上下不知法相如彼山羌得王寶衣不識次第顛倒而著

百喻經
卷上

昔有一人入山學道得五通仙天眼徹視能見地中一切伏藏種種珍寶國王聞之心大歡喜便語臣言云何得使此人常在我國不餘處去使我藏中得多珍寶有一愚臣輒便往至挑仙人雙眼持來白王臣以挑眼更不得去常住是國王語臣言所以貪得仙人住者能見

地中一切伏藏汝今毀眼何所復住

百喻經
卷上

忽已

人病舍其田而芸人之田所求於人者重而所以自任

者輕

孟子盡
心下

吾不貴其用智之如目見毫毛而不見其睫也今王知

晉之失計而不自知越之過是目論也

史記越
世家

以兩手而揜人之聰明自以為得也而不知其龍聾之

疾已移於已也

子華子
晏子

楊朱見梁王言治天下如運諸掌梁王曰先生有一妻
一妾而不能治三畝之園而不能耘而言治天下如運

諸掌何也

列子
揚朱

政亂而惡人之非已也致不肖而欲人之賢已也心如

虎狼行如禽獸而又怨人之賊已也

荀子脩
身篇

縷因鍼而入不因鍼而急嫁女因媒而成不因媒而親

夫子之材必薄矣尚何怨乎寡人哉

說苑
善說

夫薑桂因地而生不因地而辛婦人因媒而嫁不因媒

而親子之事王末耳何怨於我

新序
雜事

蔡生欲安項咸陽不能移又亨之或者未辯歟曰生捨

其木猴而謂人木猴亨不亦宜乎

揚子重
黎篇

已身變異則外物所不達故有是非之議不內求諸已

而厚責於人亦猶楊布服異而怪狗之吠也

張湛註
列傳符

譬如藥師持藥囊行而自身病不能療治

大寶積經卷
一百一十二

譬如醫滿一具器藥不能自愈其病

佛遺日摩尼
寶經推六

譬如有人渴欲飲水若至泉池若陂若井未飲其水先

擲糞穢寘中擲糞寘已還欲飲水聞水臭穢憎惡不飲
不說自汙因緣反說彼過奇哉此水甚大臭穢自過不
曉而與彼水作其過咎

發覺淨心經
卷上衣四

猶如癩病人而為諸世間廣說治癩方自病不能救安

能療他疾

為峴摩羅
經卷二

猶如有人捨己禾稼鋤他田苗

長阿舍經
卷十七

是如盲執燭照彼不自明

法句經
多聞品

猶如盲人不自見過

本緣經毗
羅摩品

昔有一人共他相瞋愁憂不樂有人問言汝今何故愁
悴如是即答之言有人毀我力不能報不知何方可得
報之是以愁耳有人語言唯有毗陀羅咒可以害彼但
有一患未及害彼反自害已其人聞已便大歡喜願但

教我雖當自害要望傷彼

百喻經
卷下

喻林卷五十六